



御選歷代詩餘卷五十一目錄

八十二字

驀山溪

歐陽修

黃庭堅

四首

晁補之

四首

李之儀

四首

賀鑄

毛滂


四首

李元膺

葛勝仲

二首

張表臣



周紫芝

謝逸

周邦彥 三首

晁端禮

曹組 二首

沈會宗

蔡伸

葉夢得

趙長卿

張元幹

劉子翬

曾覲 二首

楊无咎 二首

侯寘

辛棄疾

張孝祥

程垓

吳儆 二首

袁去華

張震 二首

杜旟

王千秋

姜夔

陸游 二首

謝懋

易祓

汪莘

洪璚

方千里

楊澤民

盧炳

陳允平

石孝友 三首

何夢桂 二首

蔡松年

趙可

張埜

劉基 三首

陳子龍

御選歷代詩餘卷五十一目錄

山圍江暮天鏡開晴絮斜影過梨花照文星老人星聚
清尊一笑歡甚却成愁別時襟餘點點疑是高唐雨
無人知處夢裏雲歸路回鴈曉風清鴈不來啼鴉無數
心情老嬾尤物解移人春盡也有南風好便迴帆去

前調 衡陽妓 陳湘

黃庭堅

鴛鴦翡翠小小思珍偶睂黛斂秋波儘湖南山明水秀
婷婷嫋嫋恰近十三餘春未透花枝瘦正是愁時候
尋芳載酒肯落誰人後只恐晚歸來綠成陰青梅如豆
心期得處每自不由人長亭柳君知否千里猶回首

前調 至宜州 寄陳湘

黃庭堅

稠花亂蕊到處撩人醉林下有孤芳不匆匆成蹊桃李

今年風雨莫送斷腸紅斜枝倚風塵裏不帶風塵氣
微嗔又喜約略知春味江上一帆愁夢猶尋歌梁舞地
如今對酒不似那回時書漫寫夢空來只有相思是

前調

黃庭堅

山明水秀盡屬詩人道應是五陵兒見山翁孤吟絕倒
一觴一詠瀟灑寄高閒松月下竹風間試想開襟抱
玉關遙指萬里天衢杳筆陣埽秋風瀉珠璣琅琅皎皎
臥龍智略三詔佐昇平煙塞事玉堂心頻把菱花照

前調 譙園 飲酒

晁補之

譙園幽古煙鎖前朝檜搖落棗紅時滿園空幾株蒼翠
使君才譽金殿握蘭人將風調改荒涼便是嬉遊地

劉郎莫問去後桃花事
司馬更堪憐掩金觴
琵琶催淚愁來不醉
不醉奈愁何汝南周東陽
沈勸我如何醉

前調

晁補之

金尊玉酒佳味名仙
檜恐是九龍泉堪一飲
霜毛却翠何須說此
只飲但陶陶燈光底
百花春自是仙家地
星郎早貴慣見風流
事留我不須歸倒尊
空燭堆紅淚飛鳧令
尹才調更翩翩休弔
古枉傷神有興來同
醉

前調

文粹寄

晁補之

蘭臺僊史好在多情
否不寄一行書過西
風飛鴻去後功名心
事千載與君同只狂
飲只狂吟綠鬢殊非
舊山歌村館愁醉潯
陽叟且借兩州春看
一曲尊前舞袖

古來畢竟何處是功名
不同飲不同吟也勸
時開口

前調

和王定國憶廣陵

晁補之

揚州全盛往事今何
處帆錦兩明珠罨薔
薇月中嬉語朱衣白
面公子似神仙登雲
嶼臨煙渚狂醉成懷
古蘭舟歸後誰與春
為主吟嘯我重來倚
瓊花東風日暮吳霜
點鬢流落共天涯竹
西路高陽侶魂夢應
相遇

前調

次魯直長沙韻

李之儀

青樓薄倖已分終難
偶尋徧綺羅間悄無
箇眼中翹秀江南春
曉花發亂鶯飛情漸
透休辭瘦果有人相
候醉鄉路穩常是身
偏後誰謂正歡時把
相思翻成紅豆千言
萬語畢竟總成虛章
臺柳青青否魂夢空
搔首

前調

北觀
避暑

李之儀

金柔火老欲避幾無地誰借一檐風鎖幽香悄悄清邃
瑤階珠砌如膜遇金銀流水外落花前豈是人能致
擘麟泛玉笑語皆真類惆悵月邊人駕雲軒何方適意
么絃咽處空感舊時聲薰易歇恨偏長魂斷成何事

前調

采石
值雪

李之儀

蛾眉亭上今日交冬至已報一陽生更佳雪因時呈瑞
勻飛密舞都是散天花山不見水如山渾在冰壺裏
平生選勝到此非容易弄月與燃犀漫勞神徒能驚世
爭如此際天意巧相符須痛飲慶難逢莫訴厭厭醉

前調

李之儀

晚來寒甚密雪穿庭戶如在廣寒宮驚兩目瑤林瓊樹
佳人乘興應是得歡多泛新聲催金盞別有留心處
爭知這裏沒箇人言語撥盡火邊灰攪愁腸飛花舞絮
憑誰子細說與此時情歡暫歇酒微醺還解相思否

前調

賀鑄

楚鄉新歲不放殘寒退月曉桂娥閒弄珠英因風委墜
清淮鋪練十二玉峰前上簾櫳招佳麗置酒成高會
江南芳信目斷何人寄應占鏡邊春想晨妝膏濃壓翠
此時乘興半道忍迴橈五雲溪門深閉璧月常相對

前調

東堂

毛滂

東堂先曉簾挂扶桑暖畫舫寄江湖倚小樓心隨望遠

水邊竹畔石瘦蘚花寒秀陰遮潛玉夢鶴下漁磯晚
藏花小塢蝶徑深深見彩筆賦陽春看藻思飄飄雲半
煙拖山翠和月冷西牕玻璃瓊葡萄醞旋落醅醖片

前調

上元

毛滂

嬋娟不老依舊東風面華燭下珠槃盛寒裏春光一片
不教暮景也似每常來水精宮銀色界今夜分明見
碧街如水人影花凌亂誰在柳陰中小妝寒落梅數點
詩翁獨倚十二玉闌干露濛濛雲冉冉千嶂琉璃淺

前調

毛滂

梅花初謝雪後寒微峭誰送一城春綺羅香風光窈窕
插花走馬天近寶鞭寒金波上玉輪邊不是紅塵道

玻璃山畔夜色無由到深下水晶簾擁嚴妝鉛華相照
珠樓渺渺人月兩嬋娟尊前月月中人相見年年好

前調

楊花

毛滂

雪空香徑撲撲憐飛絮柔弱不勝春任東風吹來吹去
牆陰花外一片落誰家葉依依煙鬱鬱依舊如張緒
那人拈得吹向釵頭住不定却飛揚滿眼前攪人情悵
蜂兒蝶子教得越輕狂隔斜陽點芳草斷送青春暮

前調

送蔡元長

李元膺

溪堂歡燕慣捧玻璃盞今日祖西城更忍把一杯重勸
別離情味自古不堪秋催淚雨濕西風腸共危絃斷
夕陽去路五馬旌旗亂便是古都春應醉戀曲江池館

須知別後疊翠倚闌情青嶂晚碧雲深日近長安遠

前調

天穿節

葛勝仲

望雲門外油壁如流水空巷逐朱旛步春風香河七里
冶容袿服摸石道宜男穿翠靄度飛橋影在清漪裏
秦頭楚尾千古風流地試問漢江邊有解珮行雲舊事
主人領客一笑強頒春燒燈後賞花前遙憶年年醉

前調

葛勝仲

出門西笑千里長安道不用引離聲便登庸十洲三島
畫船珠箔蘋末水風涼隋岸柳楚臺人景與人俱好
應嗟見晚玉殿生清曉正是妙年時步承明謀身須早
輶車遠使新逐凱歌回恩綉重綵衣輕嘉慶知多少

前調

游甘露寺

張表臣

樓橫北固盡日厭厭雨欸乃數聲歌但渺漠江山煙樹
寂寥風物三五過元宵尋柳眼覓花鬚春色知何處
落梅嗚咽吹徹江城暮脈脈數飛鴻杳歸期東風凝竚
長安不見煙起夕陽間魂欲斷酒初醒獨下危梯去

前調

周紫芝

月看星眼閨苑真仙侶嬌小正笄年每當筵愁歌怕舞
水亭煙樹春去已無蹤桃源路知何處往事如風絮
如今聞道悞翦香雲縷閒繫小烏紗更無心淺勻深注
三山路杳終不是人間知誰與吹簫女共駕青鸞去

前調

月夜

謝逸

霜清木落深院簾櫳靜池面卷煙波瑩香冰一箇明鏡
修筠拂檻疎節晚嬋娟山霧斂水雲收野闊江天迴
紅銷醉玉酒面風前醒羅幙護輕寒錦屏空金鑪燼冷
星橫參昴梅徑月黃昏清夢覺淺眉顰窓外橫斜影

前調

周邦彥

湖平春水荇藻縈船尾空翠撲衣襟拊輕榔游魚驚避
晚來潮上迤邐沒沙痕山四倚雲漸起鳥度屏風裏
周郎逸興黃帽侵雲水落日媚滄洲泛一棹夷猶未已
玉簫金管不共美人遊因甚箇煙霞底偏愛尊羹美

前調

周邦彥

樓前疎柳柳外無窮路翠色四天垂數峰青高城闕處

江湖病眼偏向此山明愁無語空凝竚兩兩昏鴉去
平康巷陌往事如花雨十載却歸來倦追尋酒旗戲鼓
今宵幸有人似月嬋娟霞袖舉杯深注一曲黃金縷

前調

周邦彥

江天雪意夜色寒成陣翠袖捧金蕉酒紅潮香凝粉暈
簾波不動新月澹朧明香破豆燭頻花減字歌聲穩
恨眉羞斂往事休重問人去小庭空有梅梢一枝春信
檀心未展誰為採芳叢消瘦盡洗妝勻應更添風韻

前調

晁端禮

風流心膽直把春償酒選得一枝花綺羅中算來未有
名園翠苑風月最佳時夜迢迢車款款是處曾攜手

重來一夢池館皆依舊幽恨寫新詩託何人章臺問柳
漁舟歸後雪鎖武陵溪水潺潺花片片棹空回首

前調

曹組

草薰風暖樓閣籠輕霧牆短出花梢映誰家綠楊朱戶
尋芳拾翠綺陌自青春江南遠踏青時誰念方羈旅
昔游如夢空憶橫塘路羅裊舞臺風想桃花依然舊樹
一懷離恨滿眼欲歸心山連水水連雲悵望人何處

前調

梅

曹組

洗妝真態不在鉛華御竹外一枝斜想佳人天寒日暮
黃昏院落無處著清香風細細雪垂垂何況江頭路
月邊疎影夢到銷魂處結子欲黃時又須作廉纖細雨

孤芳一世供斷有情愁銷瘦損東陽也試問花知否

前調

沈會宗

想伊不住船在藍橋路別語未甘聽更忍問而今是去
門前楊柳幾日轉西風將行色欲留心忽忽城頭鼓
一番幽會只覺添愁緒邂逅却相逢又還有此時歡否
臨歧把酒莫惜十分斟尊前月月中人明夜知何處

前調

蔡伸

孤城暮角落月邊聲靜醉袖拂危闌對天末孤雲愁凝
吳津楚望表裏抱江山山隱隱水迢迢滿目江南景
羈懷易感往事傷重省羅袂裊殊香鬢星星忍窺青鏡
瓊英好在應念玉關遙凝淚眼下層樓回首平林暝

前調 百花洲 席上

葉夢得

一年春事常恨風和雨趁取未殘時醉花前春應相許
山翁倒載日暮習池回問東風春知否莫道空歸去
滿城歌吹也似春和豫爭笑使君狂占風光不教飛絮
明朝酒醒滿地落殘紅唱新詞追好景猶有君收取

前調 聞琵琶有感

趙長卿

壺天冰雪消盡虛堂暑多謝故人情送飛花香傳小樹
香風初過一曲斷腸聲如怨訴訴閒愁落落琵琶語
江邊馬上彈指成千古淚眼與啼妝歎風流只今何處
芳心役損觸事起悲酸招玉素撥檀槽整理金衣縷

前調

張元幹

一番小雨陡覺添秋色桐葉下銀牀又送箇淒涼消息
故鄉何處搔首對西風衣線斷帶圍寬衰鬢添新白
錢塘江上冠蓋如雲集駿馬傍朱門誰肯念塵埃倦客
佳人信杳日暮碧雲深樓獨倚鏡頻看此意無人識

前調 九日

劉子翬

浮煙冷雨此日還重九秋去又秋來但黃花年年依舊
平臺戲馬無處問英雄茅舍小竹籬疎兀坐空搔首
客來何有草草三杯酒一醉萬緣空休貪他金印如斗
山翁倦矣誰共賦歸與芟隴麥網溪魚未落他人後

前調 坤寧殿應制 賦照水梅花

曾覲

催花小雨輕把香塵灑簾捲水亭風梅影轉夕陽初下

行遠風不語食 卷五
靚妝窺檻鴛鴦。湛清漪、浮暗麝翦芳瓊。消得連城價。
玉樓十二，寒怯銖衣掛。曾是綠華仙眷。餘情新詞如畫。
花隨人聖，須信世無雙。騰鳳吹駐鸞輿。堪與瑤池亞。

前調

暮秋賞
梨花

曾覲

凋紅減翠，正是清秋杪。深院嫋香風。看梨花一枝開早。
瓏璵映面，依約認嬌顰。天澹澹，月溶溶，春意知多少。
清明池館，芳信年年好。更向五侯家，把江梅風光占了。
休教寂寞辜負，向人心檀板響。寶杯傾。潘鬢從他老。

前調

醉醺

楊无咎

天姿雅素，不管羣芳妒。微笑倚春風。似窺宋牆頭凝竚。
一春花草，陡覺更無香。懸繡帳，結羅巾，誰更熏沈炷。

可堪開晚，未放韶光去。生怕糝庭階，直不忍蒼苔散步。
會須開宴，滿摘蘸醪。瑤觴何況有綺牕。人嬌鬢相宜處。

前調

木樨

楊无咎

蟾宮仙種，幾日飄鴛鴦。密葉繡團圓，似翦出佳人翠衷。
葉間金粟，簌簌糝枝頭。黃菊嫩，碧蓮披，獨對秋容瘦。
濃香馥郁，庭戶宜熏透。十里遠隨風，又何必凭闌細嗅。
明犀一點，暗裏爲誰通。秋夜永，月華寒，無寐聽殘漏。

前調

建康郡園
賞芍藥

侯寘

玉麟春晚，綠徧甘棠蔭。可是惜花深，旋移得翻堦紅影。
朱簾捲起，如在古揚州。寶纓絡，玉盤盃，嬌豔交相映。
蓬萊殿裏，幾樣春風鬢。生怕逐朝雲，更羅幕重重遮定。

多情絳蠟常見醉時容紫舞袖簸歌塵莫負良宵永

前調

停雲竹
逕初成

辛棄疾

小橋流水欲下前溪去喚起故人來伴先生風煙杖屨
行穿窈窕時歷小崎嶇斜帶水半遮山翠竹栽成路
一尊遐想剩有淵明趣山上有停雲看山下濛濛細雨
野花啼鳥不肯入詩來還一似笑翁詩自沒安排處

前調

張孝祥

雄風豪雨時節清明近簾幙起輕寒煥紅爐笑翻灰燼
陰藏遲日欲驗幾多長繡工慵圍碁倦香篆頻銷印
茂林芳徑綠變紅添潤桃杏意酣酣占前頭一番花信
華堂尊酒但作豔陽歌禽聲喜流雲盡明日春遊俊

前調

程垓

老來風味是事都無可只愛小書舟賸圍著琅玕幾箇
呼風約月隨分樂生涯不羨富不憂貧不怕烏蟾墮
三杯徑醉轉覺乾坤大醉後百篇詩儘從他龍吟鶴和
升沉萬事還與本來天青雲上白雲間一任安排我

前調

效樵
歌體

吳儆

清晨早起小閣遙山翠頰面整冠巾問寢罷安排菽水
隨家豐儉不羨五侯鯖軟煮肉熟炊秬適意為甘旨
中庭散步一棊雲濤細迤邐竹洲中坐息與行歌隨意
逡巡酒熟呼喚社中人花下石水邊亭醉便頽然睡

前調

吳儆

園林何有修竹搖蒼翠春到小桃蹊看綠滿一池春水
花開日暖兒姪競追隨挑野蕪網溪魚有酒多且旨
去來聚散無必亦無意說地或談天更休問語言粗細
誰強誰弱誰是又誰非過去事未來事一枕騰騰睡

前調

梅花用曹元寵韻

袁去華

蕊珠宮闕西帝陳嬪御語笑夢中香歎羅浮幾番春暮
江南歲晚垂地凍雲黃修竹外一枝斜流水橋邊路
小桃半吐羞得無藏處不怕雪霜欺最難禁豪風橫雨
當年詩興猶自記揚州今老矣客天涯還認何郎否

前調

初春

張震

春光如許春到江南路柳眼弄晴暉笑梅花落英無數

峭寒庭院羅幙護牕紗金鴨暖錦屏深曾記看承處
雲邊尺素何計傳心縷無處說相思空惆悵朝雲暮雨
曲闌干外小立近黃昏心下事眼邊愁借問春知否

前調

春半

張震

青梅如豆斷送春歸去小綠間長紅看幾處雲歌柳舞
偎花識面對月共論心攜素手採香游踏徧西池路
水邊朱戶曾記消魂處小立背秋千空悵望娉婷韻度
楊花撲面香糝一簾風情脈脈酒厭厭回首斜陽暮

前調

杜旟

春風如客可是繁華主紅紫未全開早綠徧江南千樹
一番新火多少倦游人纖腰柳不知愁猶作風前舞

小闌干外兩兩幽禽語問我不歸家有佳人天寒日暮
老來心事惟只有春知江頭路帶春來更帶春歸去

前調

海棠

王千秋

清明池館側臥簾初卷還是海棠開睡未足餘醒滿面
低頭不語渾似怨東風心始吐又驚飛交現垂楊眼
少陵情淺花草題評徧賦得惡因緣沒一字聊通繾綣
黃昏時候凝竚怯春寒籠翠袖減豐肌脈脈情何限

前調

題錢氏溪月

姜夔

與鷗爲客綠野留吟屐兩行柳垂陰是當年仙翁手植
一亭寂寞煙外帶愁橫荷冉冉展涼雲橫臥虹千尺
才因老盡秀句君休覓萬綠正迷人更愁入山陽夜笛

百年心事惟有玉闌知吟未了放船回月下空相憶

前調

送伯禮

陸游

元戎十乘出次高唐館歸去舊鷓行更何人齊飛霄漢
瞿塘水落惟是淚波深催疊鼓起牙樯難鎖長江斷
春深鰲禁紅日宮甌暝何處望音塵黯消魂層城飛觀
人情見慣不敢恨相忘梅驛外蓼灘邊只待除書看

前調

游三榮龍洞

陸游

窮山孤壘臘盡春初破寂寞掩空齋好一箇無聊底我
嘯臺龍岫隨分有雲山臨淺瀨陰長松閒據交牀坐
三杯徑醉不覺紗巾墮畫角喚人歸落梅村籃輿夜過
城門漸近幾點妓衣紅官驛外酒壚前也有閒燈火

前調

謝懋

厭厭睡起無限春情緒柳色借輕煙尚瘦怯東風倦舞
海棠紅皺不奈晚來寒簾半捲日西沈寂寞閒庭戶
飛雲無據化作溟濛雨愁裏見春來又只恐愁催春去
惜花人老芳草夢淒迷題欲徧瑣牕紗總是傷春句

前調

易袞

海棠枝上留得嬌鶯語雙燕幾時來竝飛入東風院宇
夢回芳草綠徧舊池塘梨花雪桃花雨畢竟春誰主
東郊拾翠襟袖霑飛絮寶馬趁雕輪亂紅中香塵滿路
十千斗酒相與買春閒吳姬唱秦娥舞拚醉青樓暮

前調

汪莘

金風玉露洗出乾坤體乘興到前村見一片清溪無底
竹籬茅舍雞犬兩三家尋漁父問湘靈拄杖斜陽裏
青春悞我白髮今如此幸自識方壺有箇人神通游戲
澗邊野鶴巖上忽孤雲傾濁酒對黃花又似東籬子

前調

洪璚

潮平風穩行色催津鼓回首望重城但滿眼紅雲紫霧
分香解珮空記小樓東銀燭暗繡簾垂昵昵凭肩語
關山千里垂柳河橋路燕子又歸來但惹得滿身花雨
彩箋不寄蘭夢更無憑燈影下月明中魂斷金釵股

前調

方千里

園林晴晝花上黃蜂尾鶯語怯遊人又還傍綠楊深避

曲池斜徑草色碧於藍欄倦倚簾半起魂斷斜陽裏
江南春盡渺渺平橋水身在一天涯問此恨何時是已
飛帆輕槳催送莫愁來歌舞地尊酒底不羨東鄰美

前調

楊澤民

當年蘇小家住苕溪尾一棹采蓮歸悄羞得鴛鴦飛避
蘋洲蓼岸花臉兩難分崖平倚風乍起蕩漾煙花裏
平生強項未肯輕魚水溪上偶相逢這一段風情怎已
紉蘭解珮不負有情人金尊側羅帳底占盡人間美

前調

盧炳

淡妝西子怎比西湖好南北兩長堤有罨畫樓臺多少
翠光千頃一片淨琉璃泛蘭舟搖畫槳盡日金尊倒

名園精舍總被遊人到年少與佳人共攜手嬉遊歌笑
夕陽西下沈醉盡歸來鞭寶馬鬧竿隨簇著花藤轎

前調

花港
觀魚

陳允平

春波浮綠小隱桃溪路煙雨正林塘翠不碍錦鱗來去
芹香藻膩偏愛鯉花肥簷影下柳陰中逐浪吹萍絮
銅溝泉滑怕有題牋句釣餌已忘機都付與人間兒女
濠梁興在鷗鷺笑人癡三湘夢五湖心雲水蒼茫處

前調

石孝友

鶯鷺燕燕搖蕩春光嬾時節近清明雨初晴嬌雲弄暖
醉紅溼翠春意釀成愁花似染草如翦已是春強半
小鬟微盼分付多情管癡騃不知愁想怕晚貪春未慣

主人好事應許玳筵開歌眉斂舞腰軟怎便輕分散

前調

石孝友

小花靜院有箇人人現縹緲更娉婷算不數歌朋舞伴
鳴珂曲里常記偶相逢無語恨有情愁綠嫩紅妝淺
別來誰念人面關山遠凝睇倚危樓眼波長看峰不展
一年心事到此向誰論書鴈杳夢雲深寂寞江天晚

前調

石孝友

醉魂初醒強記尋芳徑一似楚雲歸悄沒了鱗書羽信
疎狂蹤跡虛度可憐春陰還悶愁還困贏得無端病
菱花寶鏡打破雙鴛影別袖忍頻看生怕見啼紅醉粉
而今顛顚瘦立對東風紅成陣綠成陰況是春將盡

前調

雪二首

何夢桂

春工未覺何處瓊英早夜半翦銀河到人間樓臺初曉
霏霏脈脈不是不多情金帳暖玉堂深却怪音塵杳
天公謫下暫落紅塵道顏色自還憐怕輕狂隨風顛倒
冰心誰訴但吹入梅花明月地白雲階相照天寒好

前調

何夢桂

飛僊欲下水殿嚴妝早嬌澀怕春知跨白虬天門未曉
霓裳零亂肌骨自清妍梅簷月柳橋風世上紅塵杳
重門深閉忘却山陰道呼酒嚼瓊花任醉來玉山傾倒
無言相對這歲暮心期茆舍外玉堂前處處風流好

前調

蔡松年

清明綠野玉色明春酒燕地雪如沙為喚起斗南溫秀
鬢絲禪榻夢覺古揚州瑤臺路返魂香好在啼妝瘦
春前入眼似是章臺柳欲典鸚鵡裘候金車香迎馬首
綠陰青子後日便東風秋千散暮寒生月到西廂後

前調

賦崇福
荷花

趙可

雲房西下天共滄波遠走馬記狂遊正芙蓉平鋪鏡面
浮空欄檻招我到芳尊看花醉把花歸扶路清香滿
水楓舊曲應逐歌塵散時節又新涼料開徧橫湖清淺
冰姿好在莫道總無情殘月下曉風前有恨何人見

前調

餉柑

張埜

洞庭珍味喚起愁千里萬顆曉霜餘記當時玉纖分翠

小園秋晚半醉對黃花驚昨夢渺前歡歲月如彈指
天涯牢落無計論心事冉冉驛塵紅尚依然襲人芳氣
把羅輕護不忍破金苞香簌簌露霏霏總是相思淚

前調

劉基

簷鈴風過昵昵閨中語月上海東峰冷光浸澄清玉宇
幽人此際輕步遶回廊鼃鳴沼鴉翻樹露滴松梢雨
蘆花初老也學楊花絮袞袞趁流塵半沾泥半飄陌路
不須看覩且自買芳尊巴渝曲婆娑舞醉飲朝還暮

前調

劉基

清明過了簾幙餘寒淺芳樹不勝風任流水飄紅去遠
煙昏雨暝天襯海雲低鶯意懶蝶魂消花盡成秋苑

遊絲落絮特地相縈絆無計網春暉漫贏得遮人望眼
登高凝睇欲寄一緘書鴻路阻豹關深日暮空腸斷

前調

劉基

三更鳴雨溼透桃花臉珠箔未登鈎早飄落猩紅數點
碧雲如夢人去已無蹤金泥鳳玉蟠龍寂寞蛛絲檢
鉛華柔軟剛被秋霜染長夜擁寒衾耿青燈膏凝暈閃
銅壺漏永應是接天河一聲去一聲來空把重門掩

前調

寒食

陳子龍

碧雲芳草極目平川繡翡翠點寒塘雨霏微澹黃楊柳
玉輪聲斷羅韞印花陰桃花透梨花瘦偏試纖纖手
去年此日小院重回首暈薄酒闌時擲春心暗垂紅袖

韶光一樣好夢已天涯斜陽候黃昏又人落東風後

御選歷代詩餘卷五十一

御選歷代詩餘卷五十二目錄起八十三字至八十五字

洞仙歌又一體

蘇軾

晁補之

葛郟二首

王安中

劉一止

劉光祖

韓浹

沈端節二首

蔣捷

張炎 二首

趙君舉

汪元量

姚雲文

周用

前調 又一體

李元膺

清波引

張炎

滿路花

秦觀

周邦彥

方千里 二首

陳允平 二首

周用

前調 又一體

呂渭老

黃鶴引

無名氏

淒涼犯

張炎

迷仙引

柳永

洞仙歌 又一體

晏幾道 二首

李邴

辛棄疾

蔣捷

前調 又一體

段弘章

前調 又一體

阮閱

蕙蘭芳引

周邦彥

方千里

楊澤民

陳允平

夢玉人引 又一體

朱敦儒

千秋引

李冠

元令

賀鑄

少年游慢

張先

鶴冲天 又一體

賀鑄

祭天神

柳永

踏青遊

王詵

中興樂 又一體

李珣

五福降中天

無名氏

清波引 又一體

姜夔

傾杯近

袁去華

滿路花 又一體

呂勝已

八六子

李演

洞仙歌 又一體

晁補之

葛郯 三首

李元膺

京鏜

盧祖皋

高觀國

無名氏

元好問

李俊民

詹正

前調 又一體

晁補之

前調 又一體

管鑑

夢玉人引 又一體

范成大 二首

陳三聘 二首

華胥引

周邦彥

祭天神 又一體

柳永

御選歷代詩餘卷五十二

今春閨好怪重陽菊早滿檻煌煌看霜曉喚金錢翠羽
不稱標容瀟灑意陶令詩中能道 不應誇絕豔曾妒
春華因甚東君意不到又似鎖三千漢女偏教明妃怨
西風邊草也何必牛山苦沾衣算只好龍山醉狂吹帽

前調 納涼

葛 郊

璚樓十二無限神仙侶紫紱丹麾彩鸞馭步虛聲杳靄
碧落天高微雲澹點破瑤堦白露 暗香來水閣冰簟
紗幬一枕風輕自無暑更上水晶簾斗挂闌干銀河淺
天孫將渡終不如歸去在苕川看千頃菰蒲亂鳴秋雨

前調 次夜再賞月

葛 郊

藐姑仙子天外誰為侶八極浮游氣為馭看朝餐沆瀣

暮飲醍醐瑤臺冷吹落九天風露 翠空雲幙淨寶鑑
無塵碧樹秋來暗消暑殘夜水明樓影落寒溪行人起
沙頭喚渡任角聲吹落小梅花夢不到漁翁一蓑煙雨

前調

王安中

深庭夜寂但涼蟾如畫鵲起高槐露華透聽曲樓玉管
吹徹伊州金釧響軋軋朱扉暗叩 迎人巧笑道好箇
今宵怎不相尋暫攜手見澹淨晚妝對月偏宜多情更
越饒纖瘦怨早促分飛霎時休便恰似陽臺夢雲歸後

前調 梅

劉一止

細風輕霧鎖山城清曉冷蕊疎枝為誰好對斜橋孤驛
流水濺濺無限意清影徘徊自照 何郎空立馬惱亂

餘香綺思憑花更娟妙腸斷處天涯路遠音稀行人怨
角聲吹老歎客裏經春又三年向月地雲堦負伊多少

前調 荷花

劉光祖

晚風收暑小池塘荷淨獨倚胡牀酒初醒起徘徊時有
香氣吹來雲藻亂葉底游魚動影 空擎承露蓋不見
冰容惆悵明妝曉鸞鏡後夜月涼時月淡花低幽夢覺
欲憑誰省且應記臨流凭闌干便遥想江南紅酣千頃

前調 次韻斯遠所賦清溪一曲

韓 澮

溪山好處贏得題新曲待足人生甚時足問臨流情味
倚徧斜暉應似畫小景生綃一幅 漁舟聲欸乃巖上
雲飛杳杳歸鴉去鴻逐任當日伊吕談笑興王爭敵恁

閒眠野宿待雪天月夜我還來醉瀟灑清幽那些兒屋

前調 雪

沈端節

夜來驚怪冷逼流蘇帳夢破初聞竹牕響向曉開簾看
凌亂寒光清興發鶴氅誰同縱賞 江南春意動梅竹
潛通醉帽衝風自來往慨念故人疎便理扁舟須信道
吾曹清曠待石鼎煎茶洗餘醺更依舊歸來淺斟低唱

前調

沈端節

重陽近也漸秋光淒勁宿雨初收好風景正干戈耆定
禾黍豐登人意樂歌舞賢侯美政 醉翁遊歷處勝槩
依然木落淮南見山影有客共登臨醉裏疎狂敲烏帽
從嘲雪鬢但目送孤鴻傍危闌笑問道黃花似誰風韻

前調

對雨
思友

蔣捷

世間何處最難忘杯酒唯是停雲想親友此時無一盞
千種離愁西風外長伴枯荷衰柳 去年深夜雨傾倒
書牕短燭心懸小紅豆記得到門時雨正瀟瀟嗟今雨
此情非舊待與子相期采黃花又未卜重陽果然晴否

前調

觀王環山花
外詞有感

張炎

野鶻啼月便角巾還第輕擲詩瓢付流水最無端小院
寂歷春空門自掩柳髮離離如此 可惜歡娛地雨冷
雲昏不見當時譜銀字舊曲怯重翻總是離愁淚痕灑
一簾花碎夢沉沉知道不歸來尚錯問桃根醉魂醒未

前調

寄茅峰
梁中砥

張炎

中峰壁立挂飛來孤劒蒼雪紛紛墮晴蘚自當年詩酒
客裏相逢春尚好鷗散煙波茂苑 只今誰最老種玉
人間消得梅花共清淺問我入山期但恐山深松風把
紅塵吹斷望蓬萊知隔幾重雲料只隔中間白雲一片

前調

趙君舉

荒山明月下有雲來去深夜纖毫靜可數問古今底事
留此空光修月戶猶是當年玉斧 思君持羽扇來伴
微吟水珮風環飲松露待勾漏丹成約與輕飛人間世
不知歸處更長嘯餘聲振林谿見亂紅驚飛半崑花雨

前調

汪元量

西園春暮亂草迷行路風捲殘花墮紅雨念舊巢燕子

御選唐詩言食 卷三
飛傍誰家斜陽外長笛一聲今古 繁華流水去舞歇
歌沉忍見遺鈿種香土漸橘樹方生桑枝纔長都付與
沙門為主便關防不放貴游來又突兀梯空梵王宮宇

前調

姚雲文

燕窠香濕誤天涯芳信社近陰晴未前定聽鶯簧宛轉
似羽疑宮歌未斷落落舊愁都醒 疎狂追少日杜曲
樊樓拚把黃金買春恨回首武陵溪花待郎歸洞雲深
未知春盡問楊柳梢頭幾枝青消不得朝來雨寒一陣

前調

重午

周用

客中今日恰江南端午數點弄晴梅子雨正清溪華屋
長晝初筵呈畫扇更有香蘆角黍 鬢鬢催羯鼓燕燕

鶯鶯當面盈盈試歌舞故事杳難尋天上佳期人傳道
牛郎織女待羅袖明朝酒消痕記玉臂凝香綵絲雙縷

前調

又一體

李元膺

廉纖細雨帶東風如困縈斷千絲為誰恨向楚宮一夢
多少悲涼無處問愁到而今未盡 分明都是淚泣柳
沾花常與騷人伴孤悶記當年得意處酒力方酣怯輕
寒玉鑪香潤又豈識情懷苦難禁點滴簷聲夜寒燈暈

清波引

雙調八
十三字

清波引

送別湖
湘廉使

張炎

江濤如許更一夜聽風聽雨短篷容與盤礴那堪數弭

御選唐詩言食

卷三

洞仙歌

清波引

滿路花

五

節澄江樹不為萼鱸歸去怕教冷落蘆花誰招得舊鷗
鷺寒汀古澗盡日無人喚渡此中清楚寄情在譚塵
難覓真閒處肯被水雲留住冷然棹入中流去天尺五
滿路花

或加促拍二字雙調八十三字有名歸去難者按
之與此無異蓋即滿路花之別名非另有一調也

滿路花

秦觀

露顆添花色月彩投牕隙春思如中酒恨無力洞房咫尺
曾記青鸞翼雲散無蹤跡羅帳更殘夢回無處尋覓
輕紅膩白步步薰蘭澤約腕金環重宜裝飾未知安
否一向無消息不是尋常憶憶後教人片時存濟不得

前調

周邦彥

金花落燼燈銀礫鳴牕雪庭深微漏斷行人絕風扉不
定竹圍琅玕折玉人新聞闊著這情懷更當恁地時節
無言敲枕帳底流清血愁如春後絮來相接知他那
裏爭信人心切除共天公說不成也還似伊無箇分別

前調

方千里

簾篩月影金風捲楊花雪天邊鴻鴈少音塵絕春光欲
暮客子歸心折江湖波浪闊目斷家山料應易過佳節
柔情千點杜宇枝頭血危腸知寸斷誰能接眠思夢
憶不似今番切欲對何人說攬鏡沉吟瘦來須有差別

前調

方千里

鶯飛翠柳搖魚躍浮萍破斑斑紅杏子交榴火池臺晝

永繚繞花陰裏山色遙供座枕簟清涼北牕時喚高臥
翻思年少走馬銅駝左歸來敲鐙月留關鎖年華老
大事逐浮雲過今吾非故我那日尊前祇今問有誰呵

前調

陳允平

離歌泣斷雲別舞愁飛雪鳳皇臺上望瓊簫絕釵分玉
燕寸寸回腸折碧空歸鴈闊猶有疎梅歲寒獨伴高節
鮫綃羅帕淚灑臙脂血悠悠江上水天連接朱樓徧
倚萬里空情切此恨憑誰說天若有情料天須有區別

前調

陳允平

寒輕菊未殘春小梅初破獸爐閒撥盡松明火青氈錦
幄四壁新裝裏裊暖香薰座繡擁銀屏綵鸞空伴雲臥

相思何處夢入藍橋左歸期還細數愁眉鎖薄情孤
鴈不向樓西過故人應怪我怪我無書有書還倩誰呵

前調

周用

風前滿地花雨後連天草今年三月裏春歸早低雲薄
霧猶自憐清曉金尊須更倒無奈離愁爲他轉傷懷抱
繡簾斜捲晝靜聞啼鳥韶華剛九十勾銷了綠波無
賴點點青荷小寄語春知道桃李多情莫教惜春人老

前調

又一體

呂渭老

西風晴日短小雨菊花寒斷雲低古木暗江天星娥尺
五佳約悞當年小語凭肩處猶記西園畫橋斜月闌干
烏啼花落春信遣誰傳尚容春夜夢小留連青樓何

處寶鏡注嬋娟應念紅箋事微暈春山背
愁枕孤眠
黃鶴引

雙調八
十三字

黃鶴引

無名氏

生逢垂拱不識干戈免田隴士林書圃終年庸非天寵
才粗闖茸老去支離何用浩然歸算是黃鶴秋風相送
塵事塞翁心浮世莊生夢漾舟遙指煙波羣山森動
神閒意聳回首利鞿名鞚此情誰共問幾許淋浪春甕
淒涼犯

犯或作調雙調八十三字宋姜夔自度曲但
姜詞九十三字此少字者又後人所損也

淒涼犯

張炎

西風暗翦荷衣碎藕絲不解重緝荒煙斷浦晴暉零亂
半江搖碧悠悠望極忍獨聽秋聲淅瀝更憐他柳髮蕭
疎相與動秋色 老態今如此猶自留連醉筇吟屐不
堪瘦影渺天涯盡成行客因甚忘歸漫吹裂山陽夜笛

迷仙引

與迷神引無涉
雙調八十三字

迷仙引

柳永

才過笄年初綰雲鬟便學歌舞席上尊前王孫隨分相
許算等閒酬一笑但千金慵覩常只恐葬華容易偷換
光陰虛度 已受深恩顧好與花為主萬里丹霄何妨
攜手同去去永棄却煙花伴侶免教人得見朝雲暮雨

洞仙歌

又一體雙調
八十四字

洞仙歌

晏幾道

春殘雨過綠暗東池道玉豔藏羞媚頰笑記當時已恨
飛鏡歡疎那至此仍苦題花信少連環情未已物是
人非月下疎梅似伊好澹秀色黯寒香粲若春容何心
顧閒花凡草但莫使情隨歲華遷便香隔秦源也須能
到

前調柳

晏幾道

江南臘盡早梅花開後分付新春與垂柳細腰肢自有
入格風流仍更是骨體清英雅秀永豐坊那畔盡日

無人惟見金絲弄晴晝斷腸是飛絮時綠葉成陰無箇
事一成消瘦又莫是東風逐君來便吹散省間一點春
皺

前調柳花

李邴

一團纖軟是將春揉做撩亂隨風到何處自長亭人去
煙草淒迷歸未定妝點離愁無數飄揚無箇事剛被
縈牽長是黃昏怕微雨記那回深院靜簾幙低垂花陰
下霎時留住又只恐伊家忒疎狂便驀地和春帶將歸
去

前調浮石山莊

辛棄疾

松關桂嶺望青葱無路費盡銀鈎榜佳處悵空山歲晚

窈窕誰來須著我醉臥石樓風雨 仙人瓊海上握手
當年笑許君攜半山去劉壘嶂卷飛泉洞府淒涼又却
怕先生多取怕夜半羅浮有時還好長把雲煙再三遮
住

前調 柳

蔣捷

枝枝葉葉受東風調弄便是鶯穿也微動自鵝黃千縷
數到飛絲閒無事誰管將春迎送 輕柔心性在教得
遊人酒舞花吟恣狂縱更誰家鸞鏡裏貪學織蛾移來
傍妝樓新種總不道江頭鎖清愁正雨渺煙茫翠陰如
夢

前調 又一體
茶藤

段弘章

一庭晴雪了東風孤注睡起濃香占牕戶對翠蛟盤雨
白鳳迎風知誰見愁與飛紅流處 想飛瓊弄玉共駕
蒼煙欲向人間挽春住清淚滿檀心如此江山都付與
斜陽杜宇是曾約梅花帶春來却又自趁梨花送春歸
去

前調 又一體

阮閱

趙家姊妹合在昭陽殿因甚人間有飛燕見伊底盡道
獨步江南便江北也何曾慣見 惜伊情性好不解嗔
人長帶桃花笑時臉向尊前酒底見了須歸似恁地能
得幾回細看待不眨眼兒覷著伊將眨眼工夫看伊幾
遍

蕙蘭芳引

本仙呂曲也後以名詞雙調八十四字

蕙蘭芳引

周邦彥

寒瑩晚空點青鏡斷霞孤鶩對客館深扃霜草未衰更
綠倦游厭旅但夢繞阿嬌金屋想故人別後盡日空疑
風竹 塞北鬣能江南圖幃是處温燠更花管雲箋猶
寫寄情舊曲音塵迢遞但勞遠目今夜長爭奈枕單人
獨

前調

方千里

庭院雨晴倚斜照睡餘雙鶩正學染修蛾官柳細勻黛
綠繡簾半捲透笑語瑣牕華屋帶肥聲咽韻遠近時聞

絲竹 乍著單衣纔拈團扇氣候暄燠趁驕馬香車同
按繡坊畫曲人生如寄浪勤耳目歸醉鄉猶勝旅情愁
獨

前調

池亭畫橋宴舞作

楊澤民

命酌池亭簾初下散飛鳧鶩乍風約雲開遙嶂幾眉橫
綠畫橋架月映四岸垂楊遮屋遶翠闌碧檻盡是新栽
花竹 風送荷香涼生冰簟豈畏炎燠便催喚雙成看
舞相時麗曲及瓜雖近要娛我目教後人行樂亦非吾
獨

前調

陳允平

虹雨乍收楚天霽亂飛秋鶩漸秋色衰殘牆外土花晴

綠故山鶴怨流水自菊籬茅屋日暮詩吟就澹墨閒題
修竹 更憶飄蓬霜縹風葛幾度涼燠歎歸去來兮何
日甬東一曲黃蘆滿望白雲在目但月明長夜伴人清
獨

夢玉人引

又一體雙文調
八十四字

夢玉人引

朱敦儒

浪萍風梗寄人間倦為客夢裏瀛洲姓名誤題仙籍斂
翅歸來愛小園脫籜篔簹碧新種幽花戒兒童休摘
放懷隨分各逍遙飛鷄等鵬翼舍此蕭閒問君攜杖安
適諸彦羣英詩酒皆勅敵太平時向花前不醉如何休

得

千秋引

一名澹紅綃雙
調八十四字

千秋引

李冠

杏花好仔細君須辨比早梅深天桃淺把鮫綃拂鮮
紅綻蠟融紫萼重重現煙外悄風中笑香滿院 欲綻
全開俱可羨粹美妖嬈無處選除卿卿似尋常見倚天
真豔冶輕朱粉分明洗出臙脂面追往事遶芳樹千千
徧

元令

雙調八
十四字

元令

賀鑄

盤馬樓前風日好雪消塵埽樓上官妝早認簾箔微開
一面嬌妍笑攜手別院重廊窈窕花房小任碧羅牕
曉間闊時多書問少鏡鸞空老身寄吳雲杳想轆轤車
音幾度青門道占得春色年年隨處隨人到恨不如芳
草

少年遊慢

雙調八
十四字

少年遊慢

張先

春城三二月禁柳飄絲未歇仙籟生香輕雲凝紫臨層
闕歌掌明珠滑酒臉紅霞發華省名高少年得意時節

畫刻三題徹梯漢同登蟾窟玉殿初宣銀袍齊脫生
仙骨花探都門曉馬躍芳衢闊宴罷東風鞭梢一行飛
雪

鶴冲天

又一體雙調
八十四字

鶴冲天

賀鑄

鼕鼕鼓動花外沉殘漏華月萬枝燈還清晝廣陌衣香
度飛蓋影相先後箇處頻回首錦坊西去期約武陵溪
口當時早恨歡難偶可堪流浪遠分攜久小畹蘭英
在輕付與何人手不似長亭柳舞風眠雨伴我一春消
瘦

祭天神

雙調八十四字

祭天神

柳永

歎笑筵歌席輕拋鞞背孤城幾舍煙村停畫舸更深釣
叟歸來數點殘燈火被連絲宿酒醺醺愁無那 寂寞
擁重衾臥又聞得行客扁舟過蓬牖近蘭橈急好夢還
驚破念平生單栖蹤跡多感情懷到此厭厭向曉披衣
坐

踏青遊

雙調八十四字

踏青遊

王詵

金勒狝鞍西城嫩寒春曉路漸入垂楊芳草過平堤穿
綠徑幾聲啼鳥是處裏誰家杏花臨水依約靚妝斜照
極目高原東風露桃煙島望十里紅圍綠繞更相將
乘酒興幽情多少待向晚從頭記將歸去說與鳳樓人
道

中興樂

又一體雙調八十四字

中興樂

李珣

後庭寂寂日初長翩翩蝶舞紅芳繡簾垂地金鴨無香
誰知春思如狂憶蕭郎等閒一去程遙信斷五嶺三湘
休開鸞鏡學宮妝可能更理笙簧倚屏凝睇淚落成

行手尋裙帶鴛鴦暗思量忍孤前約教人花貌虛老風光

五福降中天

雙調八十四字

五福降中天

無名氏

喜元宵三五縱馬御柳溝東斜日映珠簾瞥見芳容秋水嬌嬈俊眼膩雪輕鋪素胸愛把菱花粉面露春葱徘徊步嬾奈一點靈犀未通悵望七香車去幔展春風雲情雨態願暫入陽臺夢中路隔煙霞甚時還許到蓬宮

清波引

又一體雙調八十四字

清波引

姜夔

冷雲迷浦倩誰喚玉妃起舞歲華如許野梅弄眉嫵屐齒印蒼蘚漸為尋花來去自隨秋鴈南來望江國渺何處新詩漫與好風景長是暗度故人知否抱幽恨難語何時共漁艇莫負滄浪煙雨况有清夜啼猿怨人良苦

傾杯近

雙調八十四字

傾杯近

袁去華

邃館金鋪半掩簾幙參差影睡起槐陰轉午鳥啼人寂

靜殘妝褪粉鬆髻敲雲慵不整儘無言手按裙帶遶花
逕 酒醒時夢回處舊事何堪省共載尋春竝坐調箏
何時更心情盡日一似楊花飛無定未黃昏又先愁夜
永

滿路花

又一體雙調
八十四字

滿路花 瑞香

呂勝已

名花無影迹寒風日淒涼人間千萬樹歇芬芳微宮
女仙馭降霓裳名在仙班簿不屬塵凡洞天密鎖雲牕
遺璫連寶珥人世識天香凝寒承雨露傲冰霜凌波
仙子邂逅水雲鄉更約南枝友遊徧江南共歸三島扶

桑

八六子

雙調八
十四字

八六子

李演

乍鷗邊一番腴綠流紅又怨蘋花看曉吹約晴歸路夕
陽分落漁家輕寒半遮 縈情芳草無涯還報舞香一
曲玉瓢幾許春華正細柳青煙小桃朱戶去年人面誰
知此日重來繫馬東風澹墨敲鴉黯牕紗人歸綠陰自
斜

洞仙歌

又一體雙調
八十五字

洞仙歌 梅

晁補之

年年青眼為江梅腸斷一句新詩思無限向碧瓊枝上
白玉葩中春猶淺一點龍香清遠 誰拋傾國豔昨夜
前村都恐東皇未曾見正倚牆紅杏芳意濃時驚千片
何許飄零仙館待冰雪叢中看奇姿乍一笑能回上林
冬暖

前調

葛郊

風搖丹髻葉翦西巖樹歲律崢嶸又如許看千峰倒影
浮動觥船紗牕外萬幅鮫綃鬪舞 五絃彈不盡碧落
天高隱隱孤鴻向雲度送斜紅斂盡催上蟾鈎金風細
點破瑤階白露任笛聲吹殘一簾秋看人倚朱闌暮雲

高處

前調

葛郊

艣聲伊軋影轉雲間樹試問扁舟在何許正溪堂波動
沙渚蘋輕漁翁醉隔岸蓑衣對舞 歸來無一事尊酒
相逢莫把光陰更虛度看歌雲杳靄重霧輕盈銀河轉
笑浥芙蓉曉露縱西風黃葉滿庭秋也不礙凝眸亂山
多處

前調

葛郊

丹青明滅霜著誰家樹滿眼風光向誰許送寒鴉萬點
流水孤村歸來晚月影三人夜舞 金英秋已老蠟綴
寒葩空裏時聞暗香度任一枝瓶小數點釵寒佳人笑

飲盡牀頭玉露看紗牕紅日上三竿把蝶影捎空在花
深處

前調

李元膺

雪雲散盡放曉晴庭院楊柳於人便青眼更風流多處
一點梅心相映遠約略嚙輕笑淺 一年春好處不在
濃芳小豔疎香最嬌軟到清明時候百紫千紅花正亂
已失春風一半早占取韶光共追遊但莫管春寒醉紅
自暖

前調

海棠

京鏗

東皇著意妙出妝春手點綴名花勝於繡向魚鳧國裏
琴鶴堂前仍共賞蜀錦堆紅炫晝 妖嬈真豔麗盡是

天然莫恨無香欠檀口幸今年風雨不苦摧殘還肯為
游人再三留否算魏紫姚黃號花王若定價收名未應
居右

前調

茉莉

盧祖皋

玉肌翠袖較似荼蘼瘦幾度熏醒夜牕酒問炎州何事
得許清凉塵不到一段冰壺翦就 晚來庭戶悄暗數
流光細拾芳英黯回首念日暮江東偏為魂銷人易老
幽韻清標似舊正簟紋如水帳如煙更奈向月明露濃
時候

前調

高觀國

輕痕淺暈偷染春風面恰似西施影兒現擬新妝臨鑑

一段天真閒態度長恁香嬌玉軟 從今懷袖裏不暫
相離似笑如顰在舒卷願芳容不老只似如今嬌不語
無奈情深意遠便雨隔雲疎暫分攜也時展丹青見伊
一見

前調

無名氏

斷雲疎雨冷落空山道匹馬駸駸又重到望孤村三兩
茅屋疎籬溪水畔一簇蘆花晚照 尋思行樂地事去
無痕回首湘波與天杳歎人生幾度能醉金釵青鏡裏
贏得朱顏未老又一點枝頭破黃昏問客路春風爲誰
開早

前調

元好問

黃塵鬢髮六月長安道羞向清溪照枯槁似山中遠志
漫出山來成箇甚只道人間小草 昇平十二策丞相
封侯說與高人應笑倒對清風明月展放眉頭長恁地
大醉高歌也好待都把功名付時流只求箇天公放教
空老

前調

謝楊成
之寄梅

李俊民

隴頭瀟灑辜負尋芳眼浪蕊浮花問名嬾縱看看驛使
帶得春來祇恐怕綠葉成陰子滿 暗香無恙否月落
參橫惆悵羅浮夢魂短賴故人情重不減西湖花上月
分我黃昏一半更選甚南枝與北枝是一種春風待爭
寒暖

前調 送張宗師捧香

詹正

醉騎黃鶴飛下紅雲鳥鐵笛吹寒洞天曉被人間識破
惹起虛名驚宇宙一笑天高月小 仙槎人去後殿上
班頭除却洪崖總來少看天香袖裏散作東風吹不斷
海北天南都到試容我從游五陵間便吹入蒼寒一叢
煙釣

前調 又一體 中秋

晁補之

青煙幕處碧海飛金鏡永夜閒階臥桂影露涼時零亂
多少寒蟬神京遠唯有藍橋路近 水晶簾不下雲母
屏開冷浸佳人淡脂粉待都將許多明月付與金尊投
曉共流霞傾盡更攜取胡牀上南樓看玉做人間素秋

千頃

前調 又一體 牡丹

管鑑

化工妙手慣與花為主忍便催殘任風雨翦姚黃移魏
紫齊集梁園春豔豔何必尊前解語 繡屏深照影簾
密收香夜久寒生費調護寶盆翻銀燭爛客醉忘歸共
惜此芳菲難遇看明年紫禁繞鶯花漫相望春風五雲
深處

夢玉人引

又一體 雙調 八十五字

夢玉人引

范成大

送行人去猶追路再相覓天末交情長是合堂同席從

此尊前便頓然少箇江南羈客不忍匆匆少駐船梅驛
酒斟雖滿尚少如別淚萬千滴欲語吞聲結心相對
嗚咽燈火淒清笙歌無顏色縱別後儘相忘算也難忘
今夕

前調

范成大

共登臨處飄風袂倚空碧雨捲雲飛長有桂娥看客簫
鼓生春徧錦城如畫雪山無色一夢纔成恍天涯南北
舞餘歌罷料宣華回首盡陳迹萬里秦吳有情應問
消息我欲歸耕如何重來得故人若望江南且折梅花
相憶

前調

陳三聘

別來何處酒醒後夢難覓晚日溪亭清曉便挂帆席滿
載離愁指去程還作江南行客目斷層城數迢迢山驛
素巾空染淚痕斑應是暗中滴記得輕分玉簫猶自
淒咽昨夜東風梅柳驚春色料伊也沒心情過却好天
良夕

前調

陳三聘

倚闌干久人不見暮雲碧芳草池塘春夢暗驚詩客昨
夜溪梅向空山雪裏輕勻顏色好贈行人折枝南枝北
雨中風帽昔追遊誰念舊蹤跡料得疎籬暗香時度
風息澹月微雲有何人消得便歸去路溪橋慰我經年
思憶

華胥引

雙調八十五字

華胥引

周邦彥

川原澄映煙月冥濛去舟似葉岸足沙平蒲根水冷留
鴈唼別有孤角吟秋對曉風鳴軋紅日三竿醉頭扶起
還怯 離思相縈漸看看鬢絲堪鑷舞衫歌扇何人輕
憐細閱點檢從前恩愛鳳箋盈篋愁翦燈花夜來和淚
雙疊

祭天神

又一體雙調八十五字

祭天神

柳永

憶繡衾相向輕輕語屏山掩紅蠟長明金獸盛熏蘭炷
何期到此酒態花情頓辜負愁腸斷還是黃昏那更滿
庭風雨 聽空階和漏碎聲鬪滴愁眉聚算伊還共誰
人爭知此冤苦念千里煙波迢迢前約舊歡省一向無
心緒

御選歷代詩餘卷五十二

華胥夢 又一體

方千里

楊澤民

陳允平

張炎

奚滅

江城梅花引

李獻能

受恩深

柳永

鶴冲天 又一體

杜安世

洞仙歌 又一體

康與之

謝懋

惜紅衣

吳文英

離別難

薛昭蘊

鵲橋仙 又一體

柳永

芳草渡 又一體

陳允平

江城梅花引 又一體

王觀

洪皓

前調 又一體

吳文英

陳允平

周密 二首

張翥

瑞鷓鴣 又一體

柳永

八六子 又一體

秦觀

勸金船

蘇軾

玉人歌

楊炎

羽仙歌 又一體

潘昉

梅花引 又一體

蔣捷

惜紅衣 又一體

姜夔

張炎

鶴冲天 又一體

柳永

醉思仙

呂渭老

采桑子慢

蔡伸

醉思仙 又一體

孫氏

雪獅兒

程垓

魚游春水

無名氏

馬莊父

盧祖皋

趙聞禮

探芳信 又一體

張炎

李彭老

惜紅衣 又一體

李萊老

石湖仙

姜夔

孤鸞

張翥

遠朝歸

趙耆孫

疊青錢

無名氏

八六子 又一體

楊纘

卜算子 又一體

鍾輻

柳永

芳草渡 又一體

周邦彥

滿江紅

呂渭老 二首

八六子 又一體

杜牧

采桑子慢 又一體

潘元質

吳文英 二首

前調 又一體

吳禮之

玉京秋

周密

法曲獻仙音 又一體

張大烈

謝池春慢

張先

李之儀

探芳信 又一體

史達祖

吳文英 三首

蔣捷

遙天奉翠華引

侯寘

一枝花

辛棄疾

鵲踏花翻

徐渭

御選歷代詩餘卷五十三目錄

前調又一體

趙長卿

芟荷已老菊與芙蓉未一夜秋容上巖桂間繁蕪嫩黃
染就瓊瑰開未足已早香傳十里 從前分付處明月
清風不用斜暉照佳麗歎浮花徒解咤淺白深紅爭似
我瀟灑堆金積翠看天闊秋高露華清見標致風流更
無塵意

前調又一體

吳文英

芳辰良宴人日春朝竝細縷青絲裹銀餅更玉犀金綵
沾座分簪歌圍暖梅靨桃脣鬪勝 露房花曲折鶯入
新年添箇宜男小山枕待枝上飽東風結子成陰藍橋
去還覓瓊漿一飲料別館西湖最情濃爛畫舫月明醉

宮袍錦

前調

呂直夫

征鞍帶月濃露沾襟袖馬上輕衫峭寒透望翠峰深淺
憶著眉兒腰肢嫋忍看風前細柳 別時頻囑付早寄
書來能及清明到家否這言語便夢裏也在心頭重相
見不知伊瘦儂瘦縱百卉千花已離披須趁得醅醖牡
丹時候

促拍滿路花

又一體雙調
八十六字

促拍滿路花

呂巖

秋風吹渭水落葉滿長安茫茫塵世裏獨清閒自然鑪

鼎虎繞與龍盤九轉丹砂就一粒刀圭便成陸地神仙
任萬釘寶帶貂蟬富貴欲熏天黃梁炊未熟夢驚殘
是非海裏直道作人難袖手江南去白蘋紅蓼又尋湓
浦廬山

前調

跳珠亭

趙師俠

栽花春爛漫疊石翠巒岼小亭相對倚數峰寒主人尋
勝接竹引清泉鑿破蒼苔地一掬泓澄六花疑是深淵
向閒中百慮翛然情事寄鳴絃爐香陪茗盃可忘言
噴珠濺雪歷歷聽潺湲塵世知何計不老朱顏靜看日
月跳丸

前調

瑞蔭亭

趙師俠

連枝蟠古木瑞蔭映晴空桃江江上景古今同忙中取
靜心地儘從容埽盡荆榛蔽結屋誅茆道人一段家風
任鳥飛兔走匆匆世事亦何窮官閒民不擾更年豐
簞瓢雲水時與話西東真樂誰能識兀坐忘言浩然天
地之中

華胥引

又一體雙調
八十六字

華胥引

方千里

長亭無數羈客將歸故園換葉乳鴨隨波輕萍滿渚時
共唼接眼春色何窮更櫓聲伊軋思憶前歡未言心已
愁怯欺鬢吳霜恨星星又還羞鑷錦紋魚素那堪重

後通歷代詩餘 卷三
翻再閱粉指香痕依舊在繡裳鴛篋多少相思皺成眉
上千疊

前調

楊澤民

征車將動愁不成歌對顰翠葉靜掩蘭房香鋪臥鴨煙
罷啜別後羞看霓裳更把箏休軋頻數更籌乍寒孤枕
偏怯 常爲霜髭弄纖纖向人輕鐫舊詞新句幽牕時
時竝閱藥餌衣衾愁頓放一番行篋早晚歸家又煩春
筍重疊

前調

陳允平

涵空斜照掠水輕嵐滿天紅葉鴈泊平蕪鳧依荒荻聲
啞啞寂寞金井梧桐漸轉轡伊軋明月紗牕夜寒孤枕

應怯 吟老西風笑衰鬢頓已如鐻錦箋鄭重頻別蘭
燈自閱多謝征衫初寄尚寶香薰篋愁憶家山夢魂飛
度千疊

前調

題畫狂
丹梨花

張炎

溫泉浴罷酣酒纔甦洗妝猶濕薄暮雲深瑤臺月下逢
太白素衣初染天香對東風傾國惆悵東闌炯然玉樹
獨立 只恐江空頓忘却錦袍清逸柳迷歸院欲遠花
妖未得誰寫一枝澹雅傍沉香亭北說與鶯鶯怕人錯
認秋色

前調

奚減

澄空無際一幅輕綃素秋弄色翦翦天風飛飛萬里吹

淨碧遙想玉杵芒寒聽珮環無迹圓缺何心有心偏向
歌席 多少情懷甚年年共憐今夕蕊宮珠殿還吟飄
香秀筆隱約霓裳聲度認紫霞樓笛獨鶴歸來更無清
夢成覓

江城梅花引

雙調八十六字一名攤破江城子
合江城子梅花引二調為一調也

江城梅花引

李獻能

漢宮嬌額倦塗黃試新妝立昭陽萼綠仙姿高髻碧羅
裳翠袖捲紗閒倚竹暝雲合瓊枝薦暮涼 璧月浮香
搖玉浪拂春簾瑩綺牕冰肌夜冷滑無粟影轉斜廊冉
冉孤鴻煙水渺渺三湘青鳥不來天也老斷魂夢清霜

靜楚江

受恩深

受或作愛雙
調八十六字

受恩深

柳永

雅致裝庭宇黃花開澹泞細香明豔盡天與助秀色堪
餐向曉自有真珠露剛被金錢妒擬買斷秋天容易獨
步 粉蝶無情蜂已去要上金尊惟有詩人曾許待宴
賞重陽恁時盡把芳心吐陶令輕回顧免憔悴東籬冷
煙寒雨

鶴冲天

又一體雙調
八十六字

鶴冲天

杜安世

清明天氣永日愁如醉
臺榭綠陰濃薰風細燕子巢方就
盆池小新荷蔽恰是逍遙際
單夾衣裳半籠軟玉肌體
石榴吐豔一撮紅綃比
牕外數修篁寒相倚有箇
關心處難相見空凝睇
行坐深閨裏嬾更妝梳
自知新來憔悴

洞仙歌

又一體雙調
八十七字

洞仙歌

康與之

若耶溪路別岸花無數
欲斂嬌紅向人語與綠荷相倚
恨回首西風波淼淼
三十六陂煙雨新妝明照水汀

渚生香不嫁東風被誰誤
遣踟躕騷客意千里
縣縣仙浪遠何處
凌波凝步想南浦
潮生畫橈歸正月曉風清
斷腸凝佇

前調

春雨

謝懋

愁邊雨細漠漠天如醉
搖颺游絲晚風外釀輕寒和暝
色花柳難勝春自老誰管啼紅斂翠
關情潛入夜斜濕簾櫳
幾處挑燈耿無寐念陽臺當日事
好伴雲來因箇甚不入襄王夢裏
便添起寒潮捲長江又恐是離人
斷腸清淚

惜紅衣

雙調八十七字宋姜夔自度曲以紅衣半狼籍句名調也但姜詞八十八字此則少一字

惜紅衣

遊茗雪
問誌感

吳文英

鷺老秋絲蘋愁暮雪鬢那太白倒柳移栽如今暗溪碧
烏衣細語傷伴惹茸紅曾約南陌前度劉郎尋流花蹤
跡 朱樓水側雪面波光汀蓮沁顏色當時醉近繡箔
夜吟三十六磯重到清夢冷雲南北買釣舟溪上應有
煙蓑相識

離別難

武后時有士人妻没入掖庭善吹箏乃撰此曲一名大郎神一名悲切子
一名愁回鶻然唐人教坊樂府所傳皆五言七言絕句至薛昭蘊始有離別
難之詞雙調
八十七字

離別難

薛昭蘊

寶馬曉鞦韆鞍羅幃乍別情難那堪春景媚送君千萬

里半妝珠翠落露華寒紅蠟燭青絲曲偏能勾引淚闌
干 良夜促香塵綠魂欲迷檀睂半斂愁低未別心先
咽欲語情難說出芳草路東西搖袖立春風急櫻花揚
柳雨淒淒

鵲橋仙

又一體雙調
八十七字

鵲橋仙

柳永

屆征途攜書劍迢迢匹馬東去慘離懷嗟少年易分難
聚佳人方恁繾綣便忍分鴛侶當媚景算密意幽歡盡
成輕負 此際寸腸萬緒慘愁顏斷魂無語和淚眼片
時幾番回顧傷心脈脈誰訴但黯然凝竚暮煙寒雨望

御製詩餘

離別難 鵲橋仙 芳草渡 江城梅花引

秦樓何處

芳草渡

又一體雙調
八十七字

芳草渡

陳允平

芳草渡漸迤邐分飛鴛儔鳳侶灑一枝香淚梨花寂寞
春雨惜別情思苦匆匆深盟訴翠浪遠六幅蒲帆縹緲
東去夕陽冉冉恨逐潮回南浦路漫空念歸來燕子
雙棲舊庭戶市橋細柳尚不減少年張緒漸瘦損嬾照
鏡鸞對舞

江城梅花引

又一體雙調
八十七字

江城梅花引

王觀

年年江上見寒梅幾枝開暗香來疑是月宮仙子下瑤
臺冷豔一枝春在手故人遠相思切寄與誰怨極恨
極艷玉蕊念此情家萬里暮霞散綺楚天碧幾片斜飛
為我多情特地點征衣花易飄零人易老正心碎那堪
聞塞管吹

前調

次王通
叟韻

洪皓

天涯除館憶江梅幾枝開使南來還帶餘杭春信到燕
臺準擬寒英聊慰遠隔山水應銷落赴愬誰空恁遐
想笑摘蕊斷回腸思故里漫彈綠綺引三弄不覺魂飛
更聽青笳哀怨淚沾衣亂插繁花須異日待孤諷怕東

風一夜吹

前調 又一體 贈 倪梅村

吳文英

江頭何處帶春歸玉川迷路東西一鴈不飛雪壓凍雲
低十里黃昏成曉色竹根籬分流水過翠微 帶書傍
月自鉏畦苦吟詩生鬢絲半黃細雨翠禽語似說相思
惆悵孤山花盡草離離半幅寒香家住遠小簾垂玉人
誤聽馬嘶

前調 和白雲趙宗 簿自度曲

陳允平

雨餘芳草碧蕭蕭暗春潮蕩雙橈紫鳳青鸞舊夢帶文
簫綽約珮環風不定雲欲墮六銖香天外飄 相思為
誰蘭恨銷縹湘魂無處招素紈猶在真真意還倩誰描

舞鏡空懸羞對月明宵鏡裏傷心心裏月君去矣舊東
風新畫橋

前調 次韻 二首

周密

舞紅愁碧晚蕭蕭潮回潮竚仙橈風高露寒飛下紫霞
簫一鴈遠將千里信懷渺渺翦愁雲風外飄 酒醒未
醒香旋銷采江籬吟楚招情縈芳草梅魂冷月影空描
錦瑟瑤尊空度可憐宵二十四橋愁倚徧空悵望短長
亭短長橋

前調

周密

鴈霜苔雪冷飄蕭斷魂潮送輕橈翠袖朱樓清語夢瓊
簫江北江南雲自碧人不見淚花寒向雨飄 愁多病

多腰素銷倚清琴調大招江空年晚淒涼句遠意難描
月冷花陰心事負春宵幾度問春春不語春又到舊西
湖第幾橋

前調

張翥

玉兒睡起把蒙頭更嬌柔見郎羞縞袂仙人一笑豔明
眸粉瘦紅愁春夢斷畫闌畔對西風憶舊遊憶卿恨
卿思悠悠怕淒涼不耐秋豔絕韻絕香又絕特地風流
宜與雲鬟雙插倚妝樓月又漸低霜又冷花似雪滿蒼
苔總是愁

瑞鷓鴣

又一體雙調
八十八字

瑞鷓鴣

柳永

寶髻瑤簪嚴妝巧天然綠媚紅深綺羅叢裏獨逞謳吟
一曲陽春定價何啻值千金傾聽處王孫帝子鶴蓋成
陰凝態掩霞襟動象板聲聲怨思難任嘹唳處回壓
絃管低沉時恁迴眸斂黛空役五陵心須信道緣情寄
意別有知音

八六子

又一體雙調八十
八字一名感黃鸝

八六子

秦觀

倚危亭恨如芳草萋萋剗盡還生念柳外青驄別後水
邊紅袂分時愴然暗驚無端天與娉婷夜月一簾幽

後漢書卷之三
卷之三
夢春風十里柔情怎奈何歡娛漸隨流水素絃聲斷翠
綃香減那堪片片飛花弄晚濛濛殘雨籠晴正銷凝黃
鸝又啼數聲

勸金船

雙調八
十八字

勸金船

蘇軾

無情流水多情客勸我如曾識杯行到手休辭却這公
道難得曲水池上小字更書年月如對茂林修竹似永
和節 纖纖素手如霜雪笑把秋花插尊前莫怪歌聲
咽又還是輕別此去翱翔徧賞玉堂金闕欲問再來何
歲應有華髮

玉人歌

雙調八
十八字

玉人歌

楊炎

西風起又老盡籬花寒輕香細漫題紅葉句裏意誰會
長天不恨江南遠苦恨無書寄最相思盤橘千枚膾鱸
十尾 鴻鴈阻歸計算愁滿離腸十分豈止倦倚闌干
顧影在天際凌煙圖畫青山約總是浮生事判從今買
取朝醒夕醉

羽仙歌

又一體雙調
八十八字

羽仙歌

潘枋

後落日平蕪行雲斷幾見花開花謝 淒涼闌檻外一
簇青山多少圖王共爭霸莫閒愁金杯激盪對酒當歌
歡娛地夢中曾騰休話漸倚徧西風晚潮生明月裏鷺
鷺背人飛下

梅花引

又一體雙調
八十八字

梅花引

荆溪
阻雪

蔣捷

白鷗問我泊孤舟是身留是心留心若留時何事鎖眉
頭風拍小簾燈暈舞對閒影冷清清憶舊遊 憶舊遊
舊遊今在否花外樓柳下舟夢也夢也夢不到寒水空

流漠漠黃雲濕透木棉裘都道無人愁似我今夜雪有
梅花似我愁

惜紅衣

又一體雙調
八十八字

惜紅衣

吳興
荷花

姜夔

簟枕邀涼琴書換日睡餘無力細灑冰泉并刀破甘碧
牆頭換酒誰問訊城南詩客岑寂高樹晚蟬說西風消
息 虹梁水陌魚浪吹香紅衣半狼籍維舟試望故國
渺天北可惜渚邊沙外不共美人遊歷問甚時同賦三
十六陂秋色

前調

贈妓
雙波

張炎

兩翦秋痕平分水影炯然冰潔未識新愁眉心倩人貼
無端醉裏通一笑柔花盈睫癡絕不解送情倚銀屏斜
瞥長歌短舞換羽移宮飄飄步回雪扶嬌倚扇欲把
豔懷說爲語杜郎重到只慮空江桃葉但數峰猶在如
傍那家風月

鶴冲天

又一體雙調
八十八字

鶴冲天

柳永

黃金榜上偶失龍頭望明代暫遺賢如何向未遂風雲
便爭不恣游狂蕩何須論得喪才子詞人自是白衣卿
相煙花巷陌依約丹青屏障幸有意中人堪尋訪且

恁偎紅倚翠風流事平生暢青春都一晌忍把浮名換
了淺斟低唱

醉思仙

雙調八
十八字

醉思仙

呂渭老

斷人腸正西樓獨上愁倚斜陽趁鴛鴦鷓鴣兩兩池塘
春又老人何處怎慣不思量到如今瘦損我又還無計
禁當小院呼盧夜當時醉倒殘釭被天風吹散鳳翼
難雙南牕雨西牕月尚未散拂天香聽鶯聲悄記得那
時舞板歌梁

采桑子慢

即醜奴慢雙又
調八十九字

采桑子慢

蔡伸

明眸秀色別是天真瀟灑更鬢髮堆雲玉臉澹拂輕霞
醉裏精神衆中標格誰能畫當時攜手花籠澹月重門
深亞 巫峰夢回已成陳事豈堪重話謾贏得羅襟清
淚鬢邊霜華念傷懷凭闌煙水渺無涯秦源目斷碧雲
暮合難認仙家

醉思仙

又一體雙又調
八十九字

宋媛 孫氏

霽霞紅看山迷暮景煙暗孤松動翩翩風袂翻若驚鴻

醉思仙

心似鑿鬢如雲弄清影月明中 謾悲涼歲冉冉薜華

潛改衰容前事消凝久十年光景匆匆念雲軒一夢回

首春空彩鳳遠玉簫寒夜悄悄恨無窮歎黃塵久埋玉

斷腸灑淚東風

雪獅兒

一名獅兒詞雙
調八十九字

程垓

斷雲低晚輕煙帶暝風驚羅幙數點梅花香倚雪牕搖

落紅爐對詭正酒面瓊酥初削雲屏暖不知門外月寒

風惡 迤邐慵雲半掠笑盈盈閒弄寶箏絃索暝極生

春已向橫波先覺花嬌柳弱漸倚醉要人扶著低告託

早把被香熏却

魚游春水

雙調八十九字唐詞紀載防河卒於濬汴日得一石刻有詞無調名遂據詞中四字名之即所傳無名氏一詞是也

魚游春水

無名氏

秦樓東風裏燕子還來尋舊壘餘寒猶峭紅日薄侵羅綺嫩草方抽碧玉茵媚柳輕窳黃金縈鶯轉上林魚游春水 幾曲闌干徧倚又是一番新桃李佳人應怪歸遲梅妝淚洗鳳簫聲絕沉孤鴈望斷清波無雙鯉雲山萬重寸心千里

前調

馬莊父

池塘生春草數盡歸鴻人未到天涯目斷青鳥尚賒音

耗曉月頻窺白玉堂暮雨還濕青門道巢燕引雛乳鶯空老 庭際香紅倦掃乾鵲休來枝上噪前回準擬同它翻成病了欲題紅葉憑誰寄獨把孤桐無心操省間翠攢鬢邊霜早

前調

盧祖皋

離愁禁不去好夢別來無覓處風翻征袖觸目年芳如許軟紅塵裏鳴鞭鐙拾翠叢中勾伴侶都負歲時暗關情緒 昨夜山陰杜宇似把歸期驚倦旅遙知樓倚東風凝顰暗數寶香飄拂遺鴛錦心事悠悠尋燕語芳草暮寒亂花微雨

前調

趙聞禮

青樓臨遠水樓上東風飛燕子玉鈎珠箔密密鎖紅關
翠翦勝裁幡春日戲簇柳簪花元夜醉閒憶舊歡漫撩
新淚 羅帕啼痕未洗愁見同心雙鳳翅長安十日輕
寒春衫未試過盡征鴻知幾許不寄蕭郎書一紙愁腸
斷也箇人知未

探芳信

又一體雙調八十九字一名西湖春

探芳信

西湖春感寄草牕

張炎

坐清晝正冶思縈花餘醒倦酒甚采芳人老芳心尚如
舊銷魂忍說銅駝事不是因春瘦向西園竹埽頽垣蔓
延荒甃 風雨夜來驟歎孤冷鶯簾恨凝蛾岫愁到今

年多似去年否賦情嬾聽山陽笛目極空搔首我何堪
老却江潭深柳

前調

湖上春遊次張叔夏韻

李彭老

對芳晝甚怕冷添衣傷春疎酒正緋桃如火相看自依
舊閒簾深掩梨花雨誰問東陽瘦幾多時漲綠鶯枝墮
紅鴛甃 堤上寶鞍驟記草色薰晴波光揺岫蘇小門
前題字尚存否繁華短夢隨流水空有詩千首更休言
張緒風流似柳

惜紅衣

又一體雙調八十九字

惜紅衣

寄弁陽翁

李萊老

笛送西泠帆過杜曲晝陰芳綠門巷清風還尋故人出
屋蒼華髮冷笑瘦影相看如竹幽谷煙樹曉鶯訴經年
愁獨 殘陽古木書畫歸船匆匆又南北蕢洲鷗鷺素
熟舊盟續甚日浩歌招隱聽雨弁陽同宿料重來時候
香蕩幾灣紅玉

石湖仙

此姜夔自度曲也
雙調八十九字

石湖仙

壽石湖居士

姜夔

松江煙浦是千古三高遊衍佳處須信石湖仙侶鷗夷
翩然引去浮雲安在我自愛綠香紅舞容與看世間幾
度今古 盧溝舊曾駐馬為黃花閒吟秀句見說吳兒

也學綸巾敬雨玉友金蕉玉人金縷緩移箏柱聞好語
明年定在槐府

孤鸞

雙調八十九字

孤鸞

題仙女梅下吹笛圖

張翥

江皋空闊更半霎輕風些兒微雪倚竹仙姬翠袖暮寒
應怯閒拈玉龍自品愛冰姿與花爭潔一闋霓裳乍了
又落梅初疊 怕曲終人去彩雲飛絕便夢斷瑤臺春
思愁結那堪綠毛么鳳向苔枝數聲啼咽留得餘香滿
袂已西山斜月

遠朝歸

御製詩餘

卷之三

石湖仙 孤鸞 遠朝歸 墨香錢

七

雙調八十九字

遠朝歸梅

趙耆孫

金谷先春見乍開江梅玉膩珠簾院落人靜雨疎煙細
橫斜帶月別是一般風味金尊裏任遺英亂點殘粉低
墜 惆悵秦隴當年念水遠天長故人難寄山城倦眼
無緒更看桃李當時醉魄算依舊徘徊花底斜陽外謾
回首畫樓十二

疊青錢

雙調八十九字

疊青錢

無名氏

夏日正長無奈如焚天氣火雲聳奇峰天外未雨先雷

畏日流金六龍高駕火輪飛紋簟紗幘風車漫攬月扇
空揮 金爐煙細午風輕轉堪避炎威漸涼生池閣卷
起簾幙珠璣嬌娥美麗天然秀色冰肌曲闌深徑荷香
旖旎玉管聲齊

八六子

又一體雙調八十九字

八六子

楊纘

怨殘紅夜來無賴雨催春去匆匆但暗水新流芳恨蝶
悽蜂慘千林嫩綠迷空那知國色還逢柔弱華清扶倦
輕盈洛浦臨風 細認得凝妝點脂勻粉露蟬聳翠蕊
金團玉成叢幾許愁隨笑解一聲歌轉春融眼朦朧凭

蘭干半醉醒中

卜算子

又一體雙調八十九字或加慢字

卜算子

鍾輻

桃花院落煙重露寒寂寞禁煙晴晝風拂珠簾還記去年時候惜春心不喜閒牕繡倚屏山和衣睡覺醺醺暗消殘酒 獨倚危闌久把玉筍偷彈黛蛾輕鬪一點相思萬般自家甘受抽金釵欲買丹青手寫別來容顏寄與使知人清瘦

前調

柳永

江楓漸老汀蕙半凋滿目敗紅衰翠楚客登臨正是莫

秋天氣引疎砧斷續殘陽裏對晚景傷懷念遠新愁舊恨相繼 脈脈人千里念兩處風情萬里煙水雨歇天高望斷翠峰十二儘無言誰會憑高意縱寫得離腸萬種奈歸雲難寄

芳草渡

又一體雙調八十九字

芳草渡

周邦彥

昨夜裏又再宿桃源醉邀仙侶聽碧牕風快疎簾半卷愁雨多少離恨苦方留連啼訴鳳帳曉又是匆匆獨自歸去 愁顧滿懷淚粉瘦馬衝泥尋去路漫回首煙迷望眼依稀見朱戶似癡似醉暗惱損憑欄情緒澹暮色

看盡栖鴉亂舞

滿江紅

雙調八十九字唐冥音錄載曲名上江虹後轉易二字韻必平仄獨用不可兼用若換韻互用韻者皆非

滿江紅

呂渭老

晚浴新涼風蒲亂松梢見月庭陰盡暮蟬啼歇螢遶井
闌簾入燕荷香蘭氣供搖箑賴晚來一雨洗浮塵無些
熱 心下事峰重疊人甚處星明滅想行雲應在鳳凰
城闕曾約佳期同菊蕊當時共指燈花說據眼前何日
是西風涼吹葉

前調

呂渭老

笑語移時風影亂半簾寒日鮮明是晚來妝飾共說西

園攜手處小橋深竹連苔色到如今梧葉染清霜封行
跡 春未透梅先折人縱健時難得想明年虛過上元
寒食數著佳期愁入眼雨珠零亂梨花濕任翠鬢敲側
背斜陽鳴瑤瑟

八六子

又一體雙調九十字

八六子

杜牧

洞房深畫屏燈照山色凝翠沉沉聽夜雨冷滴芭蕉驚
斷紅惚好夢龍煙細飄繡衾辭恩久歸長信鳳帳蕭疎
椒殿閒扃 輦路苔侵繡簾垂遲遲漏傳丹禁薜華偷
悴翠鬢羞整愁坐望處金輿漸遠何時綵仗重臨正消

御選歷代詩餘 卷三
魂梧桐又移翠陰

采桑子慢

又一體雙
調九十字

采桑子慢

潘元質

愁春未醒還是清和天氣對濃綠陰中庭院燕語鶯啼
數點新荷翠鈿輕泛水平池一簾風絮才晴又雨梅子
黃時 忍記那回玉人嬌困初試單衣共攜手紅牕描
繡畫扇題詩怎有而今半牀明月兩天涯章臺何處多
應為我感損雙眉

前調

登飛翼
樓觀雲

吳文英

東風未起花上纖塵無影峭雲濕凝酥深塢乍洗梅清

鈎捲游絲冷浮虹氣海波明若耶門閉扁舟去嬾客思
鷗輕 幾度問春倡紅冶翠空媚陰晴看真色千巖一
素天澹無情醒眼重開玉鈎簾外曉峰青相扶輕醉越
山更上臺最高層

前調

雙清
樓

吳文英

空濛乍斂波影簾花晴亂正西子梳妝樓上鏡舞青鸞
潤逼風襟滿湖山色入闌干天虛鳴籟雲多易雨長帶
秋寒 遠望翠凹隔江時見越女低鬟算堪羨煙沙白
鷺暮往朝還歌管重城醉花春夢半香殘乘風邀月持
杯對影雲海人間

前調

又一體
秋別

吳禮之

金風顫葉那更賤別江樓聽淒切陽關聲斷楚館雲收
去也難留萬重煙水一扁舟錦屏羅幌多應換得蓼岸
蘋洲 凝想恁時歡笑傷今萍梗悠悠謾回首玉人何
處眷戀無由先自悲秋眼前景物只供愁寂寥情緒也
恨分淺也悔風流

玉京秋

雙調九
十字

玉京秋

周密

煙水濶高林弄殘照晚蜩淒切碧砧度韻銀牀飄葉衣
濕桐陰露冷採涼花時賦秋雪難輕別一襟幽事砌蟲
能說 客思吟商還怯怨歌長瓊壺暗缺翠扇疎紅衣

香褪翻成銷歇玉骨西風限最限閒却新涼時節楚簫
咽誰倚西樓澹月

法曲獻仙音

又一體雙
調九十字

法曲獻仙音

張大烈

陰送槐柯香飄蓮幕簾外棋聲敲度手倦拋書困有松
風竹籟輕穿繡戶正夢到羲皇處芭蕉數聲細雨 休
思慮喜三徑幽閒多趣少事綠蟻可共交歡理瑤琴驚
池裏鴛鴦飛翥香肌無暑御蜀紈不勞揮素待月上花
梢載涼畫船歸去

謝池春慢

雙調九十字

謝池春慢

張先

繚牆重院時聞有啼鶯到繡被掩餘寒畫幕明新曉朱
檻連空閣飛絮無多少徑沙平池水渺日長風靜花影
閒相照 塵香拂馬逢謝女城南道秀豔過施粉多媚
生輕笑鬪色鮮衣薄碾玉雙蟬小歡難偶春過了琵琶
流怨都入相思調

前調

李之儀

殘寒消盡疎雨過清明後花逕款餘紅風沼縈新皺乳
燕穿庭戶飛絮沾襟袖正佳時仍晚晝著人滋味真箇
濃如酒 頻移帶眼空只恁懨懨瘦不見又思量見了

還依舊為問頻相見何似長相守天不老人未偶且將
此恨分付庭前柳

探芳信

又一體雙
調九十字

探芳信

史達祖

謝池曉被酒殢春眠詩縈芳草正一堦梅粉都未有人
掃細禽啼處東風軟嫩約關心早未燒燈怕有殘寒故
園稀到 說道試妝了也為我相思占他懷抱靜數牕
櫺最忺聽鵲聲好半年白玉臺邊話屢見瓊鈎小指芳
期夜月花陰夢老

前調

賀雲麓秘
閣滿月

吳文英

探春到見綵花釵頭玉燕來早正紫龍眠重明月弄清
曉夜塵不沁銀河水金盞供新澡鎮帷屏護緊東風秀
藏芝草 星斗燦懷抱問霧暝藍田玉長多少禁苑傳
香柳邊語聽鶯報片雲飛趁春潮去紅輦長安道試回
頭一點蓬萊翠小

前調

吳文英

爲春瘦更瘦如梅花花應知否任枕函雲墜離懷半中
酒雨聲樓閣春寒裏寂寞收燈後甚年年鬪草心期探
花時候 嬌嬾強拈繡暗背裏相思閒供晴晝玉合羅
囊蘭膏漬透紅豆舞衣疊損金泥鳳妬折闌干柳幾多
愁兩點天涯遠岫

前調

吳文英

轉芳徑見霧捲晴漪魚弄游影旋解纓濯翠臨枰撫瑤
軫修林竹色花香處意足多新詠試把龍脣供來時舊
寒纔定 門巷都深靜但酒敵曉寒棊消日永舊曲猗
蘭待留向月中聽藻萍密布官溝水任汎流紅冷小闌
干笑拍東風醉醒

前調

蔣捷

醉吟嘯似有人黃裳孤竚塵表漸老侵芳歲識君恨不
早料應陶令吟魂在凝此秋香妙傲霜姿尚想前身倚
牕餘傲 回首憶少年控駿馬花邊紅鞵茸帽澹泊東
籬有誰肯夢飛到正襟三誦悠然句聊遣花微笑酒休

賒醒眼看花正好

遙天奉翠華引

雙調九十字

遙天奉翠華引

侯寘

雲消樓外山正秦淮翠蕙回瀾香梢豆蔻紅輕猶怕春
寒曉光浮畫戟捲繡簾風煥玉鈞閒紫府仙人花園羽
帔星冠 蓬萊閬苑意倦游常戲人間佩麟江左舊都
襦袴歌歡只恐催歸覲宴清都休訴酒杯寬明歲應看
君鈞容舞袖歌鬢

一枝花

雙調九十字

一枝花 醉中戲作

辛棄疾

千丈擎天手萬卷懸河口黃金腰下印大如斗更千騎
弓刀揮霍遮前後百計千方久似鬪草兒童羸箇他家
偏有 算枉了雙眉長皺白髮空回首那時間說向山
中友看丘壟牛羊更辨賢愚否且自栽花柳怕有人來
但只道今朝病酒

鵲踏花翻

雙調九十字明徐渭自度曲也

鵲踏花翻 美人解

徐渭

鑼鼓聲頻街坊眼慢不知怎上高高騎生來少骨多筋
軟陡騰翻依稀略借鞍和轡作時鵲打雪風天佇猶燕

掠桃花地 下地不動些兒珠翠堪描耐舞軍裝伎多
少柳外妖嬈樓中笑指顛倒金釵墜無端歸路又逢誰
斜陽繫馬陪他醉

御選歷代詩餘卷五十三

